

Na osnovu člana 20.a. stav 2. Zakona o radu ("Službene novine Federacije BiH", broj: 26/16 i 89/18), a u vezi sa članom 3. stav 1. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala ("Službene novine Kantona Sarajevo", broj: 9/19 i 21/19), a u skladu sa odredbama Pravilnika o radu, broj: 01-1270/17 od 28.4.2017. godine, uz prethodnu saglasnost Ministarstva pravde i uprave KS, broj protokla: 01-474/21 od 05.3.2021.godine, JP „Televizija Kantona Sarajevo“ d.o.o. Sarajevo objavljuje

JAVNI OGLAS
ZA PRIJEM RADNIKA U RADNI ODNOS NA ODREĐENO VRIJEME
U TRAJANJU OD 12 (DVANAEST) MJESECI

I – Predmet javnog oglasa

Objavljuje se javni oglas za prijem osam (8) radnika u radni odnos na određeno vrijeme u trajanju od 12 (dvanaest) mjeseci, na sljedećim radnim mjestima:

01. Saradnik u programu – pet (5) izvršilaca
02. Tonski snimatelj – jedan (1) izvršilac
03. Montažer – jedan (1) izvršilac
04. Realizator programa – jedan (1) izvršilac

01. SARADNIK U PROGRAMU

Opis poslova: Pruža kompletnu podršku programskim redakcijama u segmentu planiranja i proizvodnje programa. Obavlja i sve druge poslove po nalogu urednika redakcije ili urednika po dispoziciji. Odgovara za efikasnu programsku i organizacijsku podršku urednicima. Obavezan je graditi i unapređivati timski rad, posebno s radnicima s kojima sarađuje u produkciji priloga. Insistira i vlastitim primjerom afirmira timski rad sa svim radnicima. Na adekvatan način obavlja pripreme i pravi planove za izradu priloga za koji je zadužen. Po potrebi i nalogu rukovodioca obavlja jednostavnije novinarske poslove, kao i poslove voditelja. Odgovoran je za primjenu i provedbu općih akata preduzeća. Prioritetno izvršava sve radne naloge izdate od direktora u okviru radnog mjesta na koje je raspoređen i stručne spreme.

Opći uvjeti:

- da je državljanin BiH (dokaz: uvjerenje o državljanstvu),
- da je stariji od 18 godina (dokaz: ovjerena kopija CIPS-ove lične karte ili rodni list),
- da se protiv kandidata ne vodi krivični postupak (dokaz: uvjerenje nadležnog suda),

Posebni uvjeti:

- minimalno SSS – IV stepen (dokaz: diploma o završenoj stručnoj spremi)
- poznavanje rada na računaru (dokaz: potvrda, uvjerenja ili certifikat o poznavanju rada na računaru)
- poznavanje osnovnih novinarskih vještina, poznavanje novinarskog kodeksa i TV – tehnologije, komunikacijske, administrativne i organizacijske sposobnosti, sposobnost za timski rad (procjena: usmeni/pismeni ispit)

Napomena: Predviđen je probni rad u trajanju od tri (3) mjeseca.

Pripadajuća osnovna neto plaća: 894,43 KM

Radno vrijeme: 40 sati sedmično

Mjesto rada: Sarajevo

02. TONSKI SNIMATELJ

Opis poslova: Dio je tima odgovornog za rad tonske i komunikacijske opreme u studijima, reportažnim kolima i na manje složenim poslovima. Pruža visokokvalitetnu uslugu svim korisnicima tehničkih resursa. Rukuje i postavlja niz tonske i komunikacijske opreme za produkciju visoke kompleksnosti. Radi na nižem nivou kompleksnosti profesije na režiranim produkcijama u studijskim pogonima i reportažnim kolima. Radi na poslovima pripreme i realizacije programa. Rukuje prenosnom audio-opremom bez nadzora do nižeg nivoa kompleksnosti. Pruža smjernice i obuku za mlade osoblje. Povremeno preuzima ulogu i odgovornost majstora tona. Obavlja po potrebi i druge poslove iz djelatnosti TV-produkcije po nalogu šefa Odsjeka. Odgovoran je za sve aspekte tonskih operacija i prateće opreme. Odgovoran je za profesionalno obavljanje posla uz puno poštovanje zakonskih propisa i normativnih akata Preduzeća koji reguliraju ovu oblast. Insistira i vlastitim primjerom afirmira timski rad sa svim zaposlenicima. Po potrebi obavlja poslove vozača programskih timova i ekipa TVSA. Odgovoran je za primjenu i provedbu općih akata Preduzeća.

Opći uvjeti:

- da je državljanin BiH (dokaz: uvjerenje o državljanstvu),
- da je stariji od 18 godina (dokaz: ovjerena kopija CIPS-ove lične karte ili rodni list)
- da se protiv kandidata ne vodi krivični postupak (dokaz: uvjerenje nadležnog suda)

Posebni uvjeti:

- SSS tehničkog smjera (dokaz: diploma o završenoj stručnoj spremi)
- 1 godina iskustva na poslovima u TV – produkciji (dokaz: potvrda/uvjerenje poslodavca)
- poznavanje rada na računaru (dokaz: potvrda, uvjerenja ili certifikat o poznavanju rada na računaru)
- vozačka dozvola B kategorije (dokaz: vozačka dozvola).

Napomena: Predviđen je probni rad u trajanju od tri (3) mjeseca.

Pripadajuća osnovna neto plaća: 833,44 KM

Radno vrijeme: 40 sati sedmično

Mjesto rada: Sarajevo

03. MONTAŽER

Opis poslova: Rad na svim vrstama montažnih cjelina koje su zastupljene u programu TVSA. Montaža informativnih, dokumentarnih, putopisnih, kulturnih, sportskih, obrazovnih i drugih emisija. Postprodukcionalna obrada za potrebe Marketinga (montaža reklama, džinglova, spotova i reportaža). Postprodukcionalna obrada muzičkih spotova. Učestvovanje u postprodukcionalnoj obradi emisija koje se produciraju u žanrovski različitim redakcijama koje postoje u organizacijskoj strukturi Preduzeća. Montažer, zbog kompleksnosti posla kojim se bavi, treba potpuno ovladati tehničko-tehnološkim lancem koji postoji u Preduzeću (analogne montažne konfiguracije i digitalni sistemi – *on line*). Obavlja i druge poslove iz djelatnosti RTV-produkcije po nalogu šefa Odjela. Poznavanje rada na programima za snimanje, obradu i emitiranje broadcast signala. Odgovoran je za profesionalno obavljanje posla uz puno poštovanje zakonskih propisa i normativnih akata kuće koji reguliraju ovu oblast. Insistira i vlastitim primjerom afirmira timski rad sa svim radnicima. Odgovoran je za primjenu i provedbu općih akata Preduzeća.

Opći uvjeti:

- da je državljanin BiH (dokaz: uvjerenje o državljanstvu),
- da je stariji od 18 godina (dokaz: ovjerena kopija CIPS-ove lične karte ili rodni list)
- da se protiv kandidata ne vodi krivični postupak (dokaz: uvjerenje nadležnog suda)

Posebni uvjeti:

- SSS (dokaz: diploma o završenoj stručnoj spremi)
- 1 godina iskustva na poslovima u TV – produkciji (dokaz: potvrda/uvjerenje poslodavca)

Dodatni uvjeti:

- poznavanje rada na računaru (dokaz: potvrda, uvjerenja ili certifikat o poznavanju rada na računaru)
- aktivno znanje engleskog jezika (dokaz: (dokaz: potvrda, uvjerenja ili certifikat o znanju engleskog jezika)
- osposobljenost za rad na svoj raspoloživoj opremi za montažu (analognoj i digitalnoj) (procjena: usmeni/pismeni/praktični ispit)

Poželjno:

- Akademija scenskih umjetnosti (Odjek montaža).

Napomena: Predviđen je probni rad u trajanju od tri (3) mjeseca.

Pripadajuća osnovna neto plaća: 874,10 KM

Radno vrijeme: 40 sati sedmično

Mjesto rada: Sarajevo

04. REALIZATOR PROGRAMA

Opis poslova: Samostalno radi na realizaciji složenih emisija i prijenosa događaja, odnosno programa po utvrđenoj (ili režiranoj) postavci. Obavezno prisustvuje sastancima gdje se obavljaju dogovori i utvrđuje sadržaj emisija, dogovara sa urednikom košuljice (sinopsis emisije), vrši pregled materijala u montaži, vrši montažu priloga. Sklapa video materijale emisija u cjelini, snimak komentara za emisiju, odabira ilustracije, vrši kontrolu raspoređenog teksta za čitanje prema redosljedu, po potrebi vrši montažu priloga, pred emisiju dužan je da provjeri sve dolazne signale u režiji studija gdje se emitiranje vrši. U dogovoru sa tehničkim vodstvom osigurava nesmetanu i kvalitetnu realizaciju emisije, za vrijeme emitovanja, a u dogovoru sa urednikom vrši intervencije, vodi evidenciju o terminima emitiranja, dogovara za preciznu pripremu i kvalitetnu realizaciju emisija, usko sarađuje sa urednikom, producentom, tehničkim timom i drugim učesnicima u programu. Sugerira tehniku i broj kamera potrebnih za realizaciju. Obavlja i druge poslove vezane za realizaciju programskih zadataka. Odgovoran je za profesionalno obavljanje posla u okviru budžeta i plana produkcije uz puno poštovanje zakonskih propisa i normativnih akata Preduzeća koji reguliraju ovu oblast. Programska, materijalna i tehnološka odgovornost. Obavezan je graditi i unaprjeđivati timski rad posebno sa radnicima sa kojima sarađuju u produkciji emisija. Obavlja jednostavnije redateljske poslove. Insistira i vlastitim primjerom afirmiše timski rad sa svim radnicima. Na adekvatan način vrši pripreme i planove za izradu emisija za koje je zadužen. Odgovoran je za primjenu i provedbu općih akata preduzeća. Prioritetno izvršava radne naloge izdate od strane direktora.

Opći uvjeti:

- da je državljanin BiH (dokaz: uvjerenje o državljanstvu),
- da je stariji od 18 godina (dokaz: ovjerena kopija CIPS-ove lične karte ili rodni list)
- da se protiv kandidata ne vodi krivični postupak (dokaz: uvjerenje nadležnog suda)

Posebni uvjeti:

- SSS (dokaz: diploma o završenoj stručnoj spremi)
- 2 godine iskustva na istim ili sličnim poslovima (dokaz: potvrda/uvjerenje poslodavca)
- poznavanje rada na računaru (dokaz: potvrda, uvjerenja ili certifikat o poznavanju rada na računaru)
- znanje jednog stranog jezika (dokaz: potvrda, uvjerenja ili certifikat o znanju stranog jezika)
- poznavanje TV - tehnologije i tehnike, sklonost timskom radu, sposobnost za kvalitetan rad pod pritiskom, proaktivan odnos prema sticanju novih znanja (procjena: usmeni/pismeni/praktični ispit)

Napomena: Predviđen je probni rad u trajanju od tri (3) mjeseca.

Pripadajuća osnovna neto plaća: 874,10 KM

Radno vrijeme: 40 sati sedmično

Mjesto rada: Sarajevo

POTREBNI DOKUMENTI:

Kandidati su dužni uz prijavu (obavezno svojeručno potpisanu) koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od tri mjeseca), koji su dokaz o ispunjavanju općih i posebnih uvjeta.

Prilikom zapošljavanja prednost imaju kandidati koji po posebnom zakonu imaju prioritet u zapošljavanju.

Prioritet u zapošljavanju kandidati dokazuju odgovarajućim dokumentima (potvrda, uvjerenje, i sl.) koje prilažu prilikom prijave na javni oglas, pozivajući se na poseban zakon po kojem imaju prednost.

U slučaju potrebe JP „TVSA“ d.o.o. zadržava pravo da za kandidate koji ispune formalno – pravne uvjete iz javnog konkursa, po službenoj dužnosti, od nadležnog organa zatraži izdavanje uvjerenja iz kaznene evidencije (uvjerenje nadležnog MUP-a da kandidat nije osuđivan).

Kandidati koji budu izabrani obavezni su dostaviti uvjerenje o zdravstvenoj sposobnosti.

KONTAKT OSOBA:

Kontakt osoba za sve dodatne informacije: Alma Avdić, šef Pravne službe, broj telefona: 033/776-810.

DODATNE NAPOMENE:

U pogledu radnog iskustva ne dostavljati sljedeće: radnu knjižicu jer ista ne može dokazati ni jedan oblik radnog iskustva, potvrde, odnosno uvjerenja kojima se dokazuje radni staž jer radni staž predstavlja samo vrijeme koje radnik provede u radnom odnosu i isti ne može dokazati o kojoj vrsti radnog iskustva je riječ: ugovor o radu, ugovor o djelu, ugovor o obavljanju privremenih i povremenih poslova, drugi ugovori, rješenje ili odluku o zasnivanju radnog odnosa i sl.

Konkurs će se objaviti u dnevnom listu „Dnevni avaz“, na web portalu – www.tvsa.ba i na službenoj web stranici Javne ustanove „Služba za zapošljavanje Kantona Sarajevo“. Rok za dostavljanje prijava je 10 dana od objave oglasa u dnevnom listu „Dnevni avaz“.

Prijavu sa traženim dokumentima dostaviti lično ili poštom preporučeno na adresu:

JP „Televizija Kantona Sarajevo“ d.o.o. Sarajevo
„Javni oglas za prijem radnika u radni odnos na određeno vrijeme, sa naznakom radnog mjesta
na koje se prijavljuju“
K O M I S I J A
- NE OTVARAJ – PRIJAVA ZA JAVNI OGLAS -
Ul. Bulevar Meše Selimovića br. 12
71 000 SARAJEVO

Nepotpune i neblagovreme prijave neće biti uzete u razmatranje.